



## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manuscriptis Codicibvs, Qvarvm permultæ antehàc nunquàm  
in lucem prodière

Complectens Sanctos Mensivm|| Maii Et Ivnii

**Surius, Laurentius**

**Coloniae Agrippinae, 1576-**

**VD16 S 10258 - 10263**

VII.

---

[urn:nbn:de:hbz:466:1-77393](https://nbn-resolving.org/urn:nbn:de:hbz:466:1-77393)

VITA S. PATRIS NOSTRI PAULI CONFESSORIS,  
ARCHIEPISCOPI CONSTANTINOPOLITANI.

ni, ex Simeone Metaphraste.



VANDO Constantius, Constantini Magni tertius filius, Iunij 7. sc. cundū Lati na martyrologia. Cap. 1. tenebat scepra Romani imperij, Arriani persecutionem mouerunt aduersus pios, vt qui ad hæc à Constantio plurimum haberent adiuuenti. & Athanasium quidem ex terminatum accepit Occidens: diuinus autem Alexander Antistes Byzantij, cum vitæ fini appropinquasset, nullum quidem suæ ecclesiæ constituit successorem: sed cum duos præcipuos elegisset ex alijs, populo hanc dedit optionem, vt si velint quidem Doctorem & virtutibus resplendentem habere Pontificem, Paulum eligerent, quem ipse ordinauit Presbyterum. Sin autem habitu solum grauem, & vestitu extrinsecus honestum, Macedonium, qui fuerat iam olim ordinatus Diaconus, & iã vergebat ad senectutem. Hæc cum eis dixisset, transit ad sedes meliores, cum fuisset quidem Pontifex vigintitres annos, vixisset autem nonaginta octo.

Circa electionem autem eorum, qui dicti fuerant, extitit contentio. Nam Arriani Cap. 2. quidem magis adspiciebant ad Macedonium: Orthodoxi verò eligebant Paulum. S. Paulus sic Episcopus. Vincit tamen suffragium Orthodoxorum, & eligitur Paulus Byzantij Episcopus, in Ecclesia quæ appellatur sanctæ Irenæ, quam tēpus à noua separans, concedit vt vetus nominetur. Constantius autē cum haud ita multo post Constantinopolim rediisset ex Antiochia, iratus fuit electo, quòd non ex eius sententia processisset electio: & congregato Arrianorum conciliabulo, condemnauit quidem Paulum, vt quiesceret: Eusebium verò, qui tertio mutabat sedem, ex Nicomediæ Episcopo creat vrbis regiæ Episcopum. Eijcitur è sede sua. Sed cum ille quidem impiè hæc fecisset, reuertitur rursus Antiochiam. Eusebius autē omnem mouebat lapidem, vt ex sacro symbolo tolleret homouision, id est, consubstantiale.

Celebratur dedicatio ecclesiæ Antiochenæ, quam Constantinus quidem magnus Cap. 3. excitauit à fundamentis: Constantius autem studium adhibuit, vt cōsecraretur: & dedicationis prætextu congregantur Episcopi numero nonaginta. Maximus verò Antiochie Hierosolymorum, vir pius, non aderat, neq; Romæ Iulius, nec per se, nec per aliquem ex subiectis. Congregatur ergo synodus, præsentē etiam Constantio. Eusebiani autem studēt ante alia, vt deponatur Athanasius. Primam verò in eū inrentant accusationem, quòd fecerit præter regulam: regulam dicentes, quam tunc ipsi ediderant. Reuersus enim, aiebant, ab exilio, non communi sententia, sed ipse sibi tradidit episcopatum. Secundam autem, quòd cum in eius aduentu exorta esset seditio, multi sint mortui. Tertiam, ea quæ facta sunt Tyri. Ex quibus condemnato pietatis Athleta, eius Athanasius deponitur à Sectarijs. loco constituunt Gregorium, qui eadem quæ ipsi sentiebat. Et cum hæc ausi essent, audent etiam fidem transformare: nihil quidem apertè reprehendentes eorum, quæ facta sunt Nicæ: sed improbo & malitioso consilio semina prius iacentes ad destruentium homouision. Et quæ Antiochiæ quidem habita fuit synodus, cum hæc & huiusmodi alia ausa esset, & quosdam fecisset canones, fuit soluta.

Eusebius autem fungitur legatione apud Iulium Romanum Episcopum, machinans, Cap. 4. vt confirmaretur lata in Athanasium sententia. Sed nihil effecit eorum, quæ sperabat. Paulus verò Pontifex cum Romam venisset, & alij non pauci Episcopi, quineriam ipsè quoq; Athanasius, qui fuerant expulsi, comparatis ab Eusebio insidijs, simul Romæ debebant. Sanctus autem Iulius cum intellexisset esse calumniam, quæ facta fuerant aduersus Pontifices, eos literis munitos mittit ad Orientem, suam unicuique rediens sedem, & eos simul reprehendens, qui ipsos deposuerant. Atq; suas quidem ecclesias rursus accipiunt, & mittunt literas ad eos, ad quos scriptæ fuerant. Cum Eusebius itaq; interisset, Paulus in suam sedem restituitur. Qui autem partes Arrii sequebantur, in ea quæ nunc ad Paulum dicitur, ecclesia eligunt Macedonium: qui blasphemè quidem filium dicebat esse patri similem, circumscribens homouisionem: sanctissimum autē spiritum à diuinitate omninò alienum.

Cum Athanasius autem suam recepisset ecclesiam, qui considebant rursus Antiochia, etenim rursus conuenerant, conantress vicissim criminari Iulium Romanum Cap. 5.

Episcopum) protinus impium Gregorium, quem ipsi præter leges elegerant, mittunt Alexandriam. Et eum quidem reducebat Prætor Alexandriæ, secum ducens septem millia militum. Quod cum rescivisset Athanasius, Romam iterum nauiganit. Populus autem Alexandrinus non ferens rem tam nefariam, ecclesiam, quæ vocabatur Dionisij, non rectè id faciens, exussit. Cum verò rescivisset Constantius, qui agebat Antiochiæ, Paulum præconem veritatis in suam sedem esse restitutum, iubet Hermogeni Duci exercitûs, qui mittebatur in partes Thraciæ, exturbare eum ex ecclesia. Et ille quidem cum venisset Constantinopolim, studebat facere, vt ei fuerat imperatum. Populus autem non est hoc passus: sed & domum eius incendunt, & ipsum extractum interimunt. Quod quidem cum audisset Constantius, ægerrimè tulit quod factum fuerat: & cum ipse venisset in ciuitatem, sanctum quidem Paulum ex ea expellit: & ciuitatem multat frumento, ablato ei dimidio doni, quod illius pater, benignus scilicet & clemens Constantinus, ei donauerat. Erat autem summa donationis, octoginta millia panum quotidianorum. Irascebatur autem etiam Macedonio, non solum, quod præter eius sententiam fuisset electus, sed etiam propter cædes, quas ipse, seditionem agitans, fuerat causa faciendi. |

Rursus expellitur.

Cap. 6. Eo itaque dimisso, venit Romam, & versabatur simul cum Athanasio. Refert ergo, quæ passus fuerat, Romano Episcopo: & rursus munitus eius literis & Constantis Imperatoris, statim reuertitur, & suæ sedi restituitur, cum magno gaudio exceptus à ciuitate. Constantius autem rursus id factum ægrè tulit, & rursus ab eo prodiuitius, qui iustum mittat in exilium. Itaque cum eum accepisset Philippus, sanctum quidem mittit in exilium, eius verò loco in ecclesia reponit sancti spiritus hostem Macedonium. Processit autem missio in exilium, non aperte, sed ex insidijs. Cædes enim Hermogenis reddidit Philippum cautiorem ad malefaciendum: & honorifice quidem vocat Dei Pontificem ad lauacrum, quod appellatur Zeuxippus, tanquam propter quædam in communi vtilia & arcana consilia: & illinc mittit in aulam Imperatoris. & per ipsam deinde Theffalonicam, quæ fuit patria eius maioribus, & ei quidem est prohibitum ascendere ad partes Orientis, non autem in propinquas regiones.

Cap. 7. Impius autem Macedonius, militari manu ei inserviente, equitans simul cum Præfecto, Dei inuadit ecclesiam, cum se extendisset interitus ad ter mille & quinquaginta. Huius contumeliæ fuerunt etiam participes Marcianus & Martyrius, qui erant Leæores & scribæ diuini Pauli, vt qui ipsi quoque liberè prædicarent homouision. Sic ergo Christianorum cædibus, Ecclesie inimicus collocatur in sedibus Ecclesiasticis. Quo quidem tempore & Constantius magnam construit ecclesiam, quæ denominatur à Dei sapientia, & diuinus Paulus tertio paulò post venit in ecclesiam: & accepto Athanasio socio certaminis, docent Constantem ea, quæ passi fuerant: qui erat quidem Imperator Occidentis, erat verò frater Constantij. Cum ille autem diligenter didicisset ea, quæ nefariè passi fuerant, scribit ad fratrem, vt tres Episcopi ad eum veniant ab Oriente, reddituri rationem eorum, quæ in Athanasium & Paulum sunt perpetrata, & simul in scriptis allaturi expositionem fidei. Et Romam quidem mittuntur quatuor Episcopi, Narciscus Cilix, & Theodorus Thrax, & Mares Chalcedonensis, & Marcus Syrus. Ij cum Romam venissent, cum Athanasio quidem & Paulo non ausi sunt differere: cum autem eam, quæ ab eis Antiochiæ exposita fuerat, fidem celâssent, & aliam composuissent, quæ aperte quidem nihil continebat blasphemum, sed non tuebatur homouisionem, tradunt Imperatori: & cum nihil amplius nec fecissent, nec passi fuisset, redierunt.

Cap. 8. Cum triennium autem præterisset, rursus congregantur Episcopi Orientales, & aliam fidem componunt, & emittunt ad eos, qui sunt in Italia. Huius verò scripti, fuere ministri, Eudoxius, qui tunc erat Episcopus Germaniciæ, & Martyrius, & Macedonius Mopsuestiæ. Erat autem eorum fidei expositio alioqui eadem cum ea, quæ prius fuerat exposita: sed alienis quibusdam in fine additionibus extendebatur longius. Pontificum autem, qui erat Romæ, cœtus eam minimè admisit, dicentes se contentos esse symbolo fidei, quod Nicena pronunciauit synodus. Cum essent autem omnia plena tumultu & contentione, indicitur Oecumenica synodus sententia duorum Imperatorum, vndecimo anno post decessum in primis pij Imperatoris Constantini, eorum patris. Conuenerunt ergo Sardicem, ab Occidente quidem plurimam trecenti Episcopi: ex Oriente autem soli septuaginta sex. Episcopi verò Orientis non admittebant ad colloquium Episcopos Occidentis. Causa autem erat, quod Paulus

S. Sophiae templi extruitur.

Rom. Ecclesie fides integra.

Synodus sardicensis

Paulus & Athanasius athleta pietatis, cum eis confidebant.

Cum verò nec defensores vera religionis amouerent Anathasium, nec heretici <sup>Cap. 9.</sup> desisterent ab inimicitijs, quas gerebant in athletas, à se iniuicem scinduntur: & cum Philippus, quæ est Macedonia ciuitas, venissent Orientales, congregantur: & tunc aperte anathemati subijciunt homousium. Qui autem erant Sardicæ, eos absentes condemnant & deponunt tanquam calumniatores: quæ verò Niceæ confirmata fuerat, fidem corroborant, & anathemati subijciunt *ὁμοίου τιον*, id est, essentia similitudinem. Quæ cum cognouisset Constantius Imperator Occidentis, per literas docet fratrem Constantium, & suadet vt sit clemens & benignus in Paulum & Athanasium: & ne sit eis impedimento, quò minùs suis sedibus restituantur: adijciens quòd nisi volens <sup>Paulus & Athanasius restituitur.</sup> faueret ijs, qui iure nituntur, ipse veniet, & eo inuito ius reddet ijs, qui afficiuntur iniuria. Fratris itaq; minas extimescens Constantius, sanctum quidem Paulum nò prohibuit restitui suo Episcopatu: eius autem certaminis socium Athanasium diuersis ad se accersit literis: & cum venisset, benignè accipit, & suæ sedi restituit. Sic quidem magna perturbatio redacta fuit ad tranquillitatem, & Ecclesia gaudebat se habere defensores pietatis.

Cum autem Magnentius inuassisset tyrannidem, & interemisset Constantem Imperatorem Occidentis, rursus Arriana in sania procella orbis terrarum conturbabat <sup>Cap. 10.</sup> ecclesias: & rursus quidem fugit Athanasius: eius autem sedem arripit Gregorius, & relegatur Paulus Cucufum Armeniæ pietatis defensor. Quo in loco per laqueum <sup>Paulus relegatur Cucufum & ibi stragulat.</sup> summatur martyrio, impijs noctù irruentibus. Constantinopoli autem eius loco introductur impius Macedonius, & extruduntur pastores ex alijs ecclesijs: eas verò rursus inuadunt lupi, & gentiù in Christianos crudelitatem contendit obscurare insania Macedonij, & vniuersus quidem Oriens malis affligebatur: præcipuè autem Constantinopolis. Quo tempore Angelius quoq; Episcopus Nouatianorum, vt qui ipse quoq; tueretur homousium, mittitur in exilium: eratque malum, quod nò potest explicari: non solum procedens vsque ad Pontifices & Sacerdotes, sed etiam fœminas & pueros, qui Macedonij repellebant communionem, occupans. Nã vbera quidem fœminarum, ò insaniam, partim quidem in arcarum tegumenta iniecta & compressa exciñ <sup>Nota hæreticorum rabie.</sup> debantur, partim autem ferro: & alia in alios excogitabantur grauia supplicia. Nam quæ vel à Deo alienos gentiles aduersus communem naturam excogitare impedi-

bat pudor, ea tunc facere impijs venit in mentem. Extendit rabiem Macedonius etiam aduersus regionem Paphlagonum. audiue- <sup>Cap. 11.</sup> rat enim multos ex Orthodoxis & Nouatianis in ea versari: & efficit, vt quatuor cohortes armatorum militum aduersus eos mittantur, & armis cogantur ad impietatem. Qui autem habitabant Mantineum, coacta multitudine, cum zelo pietatis falces & secures & quicquid se obtulerat, pro armis accepissent, aduersus milites prodeunt in aciem. Deinde commissò pralio, multi quidem interièrunt, etiam Paphlagonum: ex militibus autem omnes, paucis exceptis. Hoc ergo crudele & impudens facinus, non solum apud eos, qui erant affecti iniuria, sed etiam apud eos, qui videbantur bene velle Macedonio, iustum odium excitauit. Non hoc autem solum, sed etiam quòd corpus Constantini, inprimis, inquam, pij Imperatoris (videbatur enim ades, in qua erat situm, minari ruinam) acceptum sine eius sententia transfulerat in templum S. Acacij. Et quoniam non placebat <sup>Macedoni exauthoratur.</sup> omnibus translatio: sed multis videbatur impium, effodi corpora mortuorum, & maximè Imperatoris, qui fuit pietate insignis, facta est magna cædes, & multorum & grauium malorum, quæ fecerat Macedonius, paruas quasdam luit pœnas, dignitatis scilicet depositionem.

Vigebat tamen res Arrij per rotum imperium Constantij, & adhuc magis tempo- <sup>Cap. 12.</sup> ribus impij Valentis, donec de illo quidem sumpsit pœnas diuina iustitia: Theodosium autem Hispanum, iusta sententia Gratiani, qui administrabat Occidentem, ad sedem Imperatoriam prouexit Orientis, & fidei Orthodoxæ per ipsum robur acquisit. Sed sic quidem Arrij hæresis, quæ quadraginta annos depopulata fuerat Ecclesias, pietate Theodosij fuit exterminata, & fides Orthodoxa fuit exornata suis iustis honoribus. Congregataque idem pius Imperator synodum, studens Macedonianos in concordiam redigere cum Orthodoxis & ijs, qui tuebantur homousium. <sup>Synodus Constantinopoli contra Macedonium.</sup> Quamobrem vocat eos, qui præerant eorum hæresi: & conuenerunt ex Orthodoxis, ab Alexandria quidem Timotheus, ab Hierosolymis autem Cyrillus, Meletius ab Antiochia: aderatque Gregorius Theologus, & Ascholijs Theffalonicensis, &

Gregorius Nyssenus, & multi alij. erant enim centum & quinquaginta coetus eorum vniuersus. Hæretice autem cateruæ dux erat quidem Eleusius Cyzicenus, & Marcianus Lampfacenus, & Euethius Ephesinus: & alij, qui erant omnes simul trigintafex.

Cap. 13.

Admonebat autem Imperator & quotquot erant Orthodoxi, eos, qui sequebantur, partes hæreticorum, vt cum eis consentirent, & tuerentur homouision, in memoriã reuocantes, quod Orthodoxorum communionem sua sponte admiserunt. Hæretici autem iustarum reprehensionum & benignarum admonitionum nullam ducentes rationem, suam non dimittebant impietatem. Propterea ergo eijciuntur è concilio & è ciuitate. Synodus autem eligit Nectarium, qui erat quidem è sanguine senatorio, tunc autem gerebat magistratum Pratoris. erat verò is moribus mitissimus. Confirmat autem ipsa quoq; sancta Synodus expositionem fidei, quam constituit concilium Nicenum: & assentitur omnibus Imperator, & curat cum magna exportari reuerentia è Cuculo confessoris Pauli sacras reliquias, & eis procedunt obuiam longè ante Chalcedonem, quicumque ex Episcopis aderant Nectario: & cum multis hymnis & comitatu magno eas excipiunt, & eas per mediam portantes ciuitatem, in ecclesia, quæ fuit quidem extructa sub nomine sanctæ Irenes, antiqua autem sic vocatur, quæ Constantinus Imperator ex modica excitauit ad ingentem latitudinem & magnitudinem, cui etiam præfedit, ad breue tēpus deposuerunt: & cum hymnos nocturnos peregissent, manè rursus tota ciuitas, cum pari honore & gloria in ea, quæ ex eius nomine nunc appellatur, ecclesia, omnibus Pontificibus & clero, & ipso simul cum eis assistente Imperatore, in sepulcro, quod sanctos excipit, deponunt, cum honorantes longis & prolixis hymnodijs, propterea quod magnos labores & grauia certamina fortiter perpeffus pro pietate, euasit in cælis dignus præmijs immortalibus: In Christo Iesu Domino nostro, quem decet omnis honor, maiestas & magnificentia, nunc & semper & in secula seculorum, Amen.

Nectarius  
fit Epif. Co.  
stantinop.

vide cele.  
berimã sa.  
crarũ Pauli  
Epif. reli.  
quiarũ uaf.  
lationem.

Illidij Episcopi Aruernensis Vitam quærat Lector Tomo 4. die 7. Iulij.

### VITA ROBERTI ABBATIS CISTERTIENSIS ORDINIS IN ANGLIA, BONA FIDE, VT APPARET,

*licet incerto authore, conscripta, Stylum passim nonnihil  
correxerit Fr. Laurentius Surius.*

Iunij 7.  
Cap. 1.

Monastico  
se subditin.  
stituto.



**V**ENERABILIS Abbas Robertus ex prouincia Eboracensi ortus, in ipsa pueritia puerorum leuitates & ludos deuitans, atque in literarum studijs proficiens, cuiusdam ecclesiæ rector postea effectus est. Sed ea ecclesia & animarum cura tandem sese abdicans, in monasterio Vuitebieniensi (vulgò de Vuitibij) habitum monasticum petijt, & accepit. Per id tempus Richardus Prior monasterij S. Mariæ Eboracensis, cum duodecim socijs locum quendam, quem Fontes vocant, à Turfino Archiepiscopo accepit, & in Abbatem electus, monasterium construxit, in quo Cistertiensium habitu suscepto, vitam illorum & mores æmulabatur. Nemo illic panem ociosus edebat, nec quieti indulgebat quicquam, nisi labore fatigatus. Famelici accedebant ad mensam, fessi ad lectum. Nunquam ad satietatem refecti, nihilo minus absque tristitia & murmure, cum omni alacritate benedicebant Dominum.

Cap. 2.

Creatur Ab.  
bas.  
Eius absti.  
nentia.

Ad hanc ergo sanctam sodalitatem vir Domini Robertus, cum prius à suo Abbate copiam petijisset, sese adiunxit, eratque in labore strenuus, in lectione & meditatione assiduus, in oratione deuotus, consilio prouidus, sermone facundus. Elapsis autem quinque annis, cum iam à Christo nato ageretur annus millesimus centesimus tricesimusseptimus, nobilis quidam in Northumbriæ regione amplam possessionem largitus est, in qua Robertus, creatus Abbas, assumptis secum vndecim fratribus, nouum monasterium construxit. Multa autem eius fuit abstinentia, ita vt à mensa nunquam satiarus surrexerit, & in Quadragesima pane & aqua uti consueuerit. Accidit quodam Paschali tempore, vt extincto & prostrato appetitu, cibis apposis vesci non posset. Cumq; frater qui ministrabat ei, diceret: Quare non comedis pater? ille respondit: Si haberem panem auenaceum butyro illitum, fortassis inde mihi vesci liberet.

beret. Attulit ergo frater ille panem eiusmodi: sed vir Dei animaduertens, se pauxillum concupiscentia indulgisse, vehementer expauit, & seuerus ac rigidus in seipsum vindex, gustare inde noluit, planeque ieiunus permansit. Cibum autem illum iussit pauperibus ad monasterij fores dari, ubi tum erat iuuenis quidam splendida facie, qui eum vnà cum scutella accepit, & mox euauit. Loquentibus verò illis de ablata scutella, subito ea decidit in mensam coram Abbate. Erat enim Angelus Domini, qui elemosynam viri Dei è cælo missus accepit.

Ira S. David noluit bibere aquam, quam concupierat.

Præter solitum seruitutis & precum pensum, centum quinquaginta psalmos quotidiè Domino decantabat. Quodam autem tempore solito attentius orans, & lachrymis vbertim faciem rigans, animam suam coram Deo effundebat, petens vt gratum ipsi esset seruitium suum, & fratrum suorum, & vt nomina eorum in libro vitæ scriberet. Tum verò caliditas lapsa vox est eiusmodi. Confortare fili: exaudita sunt preces tuæ, & nomina filiorum tuorum, pro quibus rogasti, in cælis scripta sunt. Non nisi duo ex ijs, in terra scripti sunt, quorum pectora terrenarum rerum amoris semper affixa fuere. Non multò post duo conuersi, quos vocant, excusso cucullo, vitam in seculo miserè finièrunt.

Cap. 3. Preces eius.

Per nouum castrum quandoque iter agens vir Dei, in multam iuuenum turbam incidit: inter quos vidit hominem mirabili curiositate huc atque illuc discurrere, pro caci illis vultu blandiri, & quasi ad rem arduam illos adhortari & extimulare. Animaduertens autem non esse hominis illud officium, sed mali dæmonis ludibrium, multa vi verborum imperat illi, vt ab eis euestigiò recedat: Heus tu, inquit, calamitate, non indigent viri illi opera tua: recede velociter, & sequere me. Confestim ille demisso vultu Abbatis vestigia per lutum platearum, tanquam ad caudas equorum alligatus, cunctis ad eam rem valde attonitis, sequitur. Vbi autem extra urbem ad semitarum diuerticula ventum est, dixit ei vir Dei: Quisnam es tu, & quid tibi cum illis rei erat? Respondit ille: Quis ego sim, non te latet, & conatus meos probè nôsti. Nuptiæ à diuitibus cum magna pompa in vico illo celebrantur. Ego verò in eam curam intentus eram, vt sponsus ab æmulis suis in conuiuio caderetur: porro conuiuæ ira peremptori, eam sponsi cædem vlcisè properarent, sicque ira & ebrietate occæcati, muris se vulneribus conficerent. Denique vt intra urbem seditione concitata, multorum animæ trucidatis corporibus in nostras manus peruenirent. Iamque mihi persuaseram, me de parta victoria gaudium ingens allaturum principi meo: at nunc per te dissipato consilio & machinationibus meis, vacuus & inanis abscedo. His auditis, vir Domini nequitiam eius execrans, præcepit in nomine Domini, vt ad loca deserta se conferret, nec vnquam deinceps ausus esset hominibus illudere. Ad eam iussionem nequam spiritus euauit, sed tantum post se reliquit horrorem, vt equi hinnitu, fremitu & vngularum fossione fauientes, vix à sefforibus possent contineri.

Cap. 4.

Dæmonis malignos conatus impedit.

Nocte quadam vir sanctus vidit malignum hostem ad chori aditum consistere, & conari quidem sapius ingredi, sed frustra tamen. Habebat formam rustici præcincti, longis ijsque nudis tibijs ferentis à tergo sportulam, & ad pectus lignum fumibus innoxum. Cœpit porro producto collo circumire chororum, oculos in fratres attentè conijcere, si quid forsitan posset sibi gratum in aliquo cernere. At viro Dei instantius orante, & fratres à torpore excitante, improbus explorator diu frustra expectans, cum nil se proficere videret, indignabundus ad chororum fratrum conuersorum se contulit, illic quoque cunctos curiosè contemplans. Si quos videret somnolentos, cachinnans spreuit: si noxijs cogitationibus occupatos, mirum in modum tripudians applausit. Tandem inter nouitios reperit iuuenem quendam, animo ad illicita euagantem, nec nisi solo illic corpore præsentem, immò etiam clandestinam fugam meditantem. Animaduertens igitur illum suæ fortis esse, fuscina apprehensum in fuscillam suam coniecit, & celeriter inde se proripuit. Cernens id vir sanctus, multum pro illius salute anxius & sollicitus, manè diligenter eum iussit inquiri. Sed ille ante auroram vagus & profugus, excusso suauis iugo Christi, sequutus erat inimicum. Adiunxit autem se hominibus sceleratis, dediturque latrocinij, non diu post captus est, & capite plexus, miserè perit.

Cap. 5. Videt dæmonem fratrum culpas explorantem.

Apostata miserè perit.

Die quodam sub Missæ sacrificio vidit in spiritu mare multiplicatis fluctuum voluminibus tumescere & fursùm deorsùm iactari, porro nauim quandam fracto gubernaculo & diruptis rudentibus, incerta vagatione ferri, & tandem ad scopulos illisam à compage sua penitus dissolui, vndisque hiantibus homines, qui in ea erant, absorberi.

Cap. 6. Vilio sancti viri.

forberi.

forberi. Sacrificio peracto, misit fratres, qui die quarto in litore & loco, à viro Dei designato, submersorum corpora inuenerunt, eaque Ecclesiastica sepultura man-

Cap. 7.

Matrona quædam admonita à seruo Dei, ad meliorem se frugem recepit, spretoq; mundi pompa & ornamentorum fastu atq; vanitate, inter delicias domus suæ vitam solitariam agere videbatur. Sapius ergo dominam illam vir Dei inuisere & ad meliora incitare consuevit: sed ea res fratribus quibusdam prauarum suspitionum materiam præbuit, existimantibus familiaritatem illam ab impuro amore proficisci. Iam multorum aures illi infecerant, & tandem etiam ad beatum Bernardum querimonie delatae sunt. Ad eum ergo cum venisset vir Dei, cuius & nomen & meritum in spiritu iam illi reuelatum erat, vocauit eum ad se secretò, dixitque ei: Frater Roberte, falsa sunt ea omnia, quæ sinistra suspicio de te sparfit: atque in amoris argumentum dedit ei zonam suam, quæ meritis vtriusque multis postea agrotis beneficium sanatis attulit.

s. Bernard.

Cap. 8.

Sanctus Godricus viri Dei confessiones recipere solebat. Ad eum ergo crebrò accedebat, & inter se de morbis vitiorum, virtutum remedijs, itemque de secretis caelestibus, angelicis visitationibus & sanctorum patrocinijs conferentes, diem cum nodibus continuabant. Is Godricus eo tempore, quo vir Dei migravit è corpore, in cella sua manens, duos muros candidos vidit, ad caelum vsque porrectos. In ijs autem tres angelici spiritus visebantur, qui animam beati viri in specie globi ignei ad caelos deferrebant. Vnus ex ijs à dextris, alter à sinistris erat: sed præter illos tertius quidam spiritus supra omnium verticem nimia cum exultatione antecedebat. Non enim, inquit, Godricus, ita disponente Domino, solus à corpore Robertus migrare potuit, sed cum eo quædam bonæ vitæ scemina, Editha nomine, deceffit. Etsi autem longis terrarum spatijs à se fuerint separati, at tamen eadem hora in vna beatitudinis sorte sunt coniuncti. Irruerunt autem in occursum beati viri spiritus nequam, sed pugnantibus pro eo angelis Dei, illi sua temeritate pudesunt, & in sinum Abrahamæ Robertus Christi seruus deportatur. Obijt vir Dei anno salutis 1159. septimo Idus Iunii.

Viso Godrici.

Obitus s. Roberti.  
Cap. 9.

Quidam ex matris utero mutus, diù cum multis lachrymis sancti Thomæ martyris opem implorauit. Ei tandem per visum apparuit sanctus Thomas, iussitque eum celeriter proficisci ad nouum monasterium, vbi à sancto Roberto Abbate perfectam esset citra dubium sanitatem adepturus. At ille in animo suo obmurmurans, Quis, inquit, mihi vel itineris duxerit, vel sumptus necessarios præbebit? Respondit sanctus Thomas: Ille tibi duxerit, qui verbo cuncta creauit. Credidit homo, & iatus eo perueniēs, optatum vocis beneficium percepit, laudans Deum. Multa alia vir Dei miracula edidit, quæ studio breuitatis sunt omissa.

## VITA S. MEDARDI EPISCOPI NOVIOMENSIS,

AVTHORE PRIMVM FORTVNATO PRESBYTERO:

*cui tamen ab alio quodam docto viro non pauca postea adiecta esse non dubito, lectu non indigna.*

Iunii s.  
Cap. 1.  
S. Medardi  
parentes &  
patria.



**B**EATISSIMVS Medardus, egregia vir sanctitatis, patre Nestardo, matre verò Protagia genitus, apud Salentiacum, hæreditariam prædecessorum suorum possessionem, natus atque altus est. Est autem prædium illud Salentiacum in Episcopatu situm Viromandensi, in regione autem Nouiomensi. Qui Nouiomus cum tunc temporis castrum seu munitio haberetur, postmodum ipsius eiusdem gloriosi pontificis Medardi ordinatione, pontificalis cathedræ honore, vt postmodum dicendum referuamus, sublimatus est. Sanctus itaque puer sub parentum tutela diligenter educatus, diuina prouidentia gratia studijs literarum eruditus, paruo in tempore inspiratæ scientiæ lumine præ cæteris consodalibus suis eminentius claruit.

Cap. 2.

Erat autem illi eo tempore consodalis quidam Eleutherius nomine, quem ipse tanquam similis similem, puer videlicet puerum, socius consocium quam multa diligebat familiaritate. Hunc itaque, cum aliquando inuicem colloqueretur, vt potè proph.